

හිඳු පාතිමොකි පාලි

නාවිමන ආරණ්‍ය සේනාසනය

සඩ්දසොපෝසථමිති ප්‍රබ්ධකරණාදි විධි

නමෝ තස්ස භගවතෝ අරහතෝ සම්මා සම්බුද්ධස්ස !!!

විනය ප්‍රවිෂා සම්මුති :-

සුඤ්ඤානු මේ භන්තේ සඩ්දසෝ, යදි සඩ්දසස්ස පත්තකල්ලං
අහං ආයස්මන්තං.... (ථේරං/භික්ඛුං) විනයං ප්‍රවිෂෙය්‍යං.

විනය විස්සජ්ජන සම්මුති :-

සුඤ්ඤානු මේ භන්තේ සඩ්දසෝ, යදි සඩ්දසස්ස පත්තකල්ලං
අහං ආයස්මනා.... (ථේරේන/ භික්ඛුනා) විනයං ප්‍රට්ඨෝ
විස්සජ්ජෙය්‍යං.

ප්‍රවිෂා :-

සම්මජ්ජනී පදිපෝ ච - උදකං ආසනේන ච
උපෝසථස්ස ඒතානි - ප්‍රබ්ධකරණාන්ති වුච්චති.

ඕකාස! සම්මජ්ජනී සම්මජ්ජන කරණං කතං කිං?

විස්සජ්ජන :-

සම්මජ්ජන කරණං නිට්ඨිතං.

ප්‍රවිෂා :-

පදිපෝ ච, පදිපුජ්ජලනං කතං කිං?

විස්සජ්ජන :-

පදිපුජ්ජලනං නිට්ඨිතං./ ඉදානි පන සුරියාලෝකස්ස
අත්ථිතාය පදිපකිච්චං ඉධ නත්ථි.

ප්‍රවිෂා :-

උදකං ආසනේන ච, ආසනේන සහ පානිය පරිභෝජනිය
උදකට්ඨපනං කතං කිං?

විස්සජ්ජන :-

ආසනේන සහ පානිය පරිභෝජනිය උදකට්ඨපනං නිට්ඨිතං.

පුච්ඡා :-

උපෝසථස්ස ඒතානි පුබ්බකරණානි වුච්චති කිං?

විස්සජ්ජන :-

ඒතානි චත්තාරි චත්තානි සම්මජ්ජන කරණාදීනි සඛ්ඝ සන්නිපාතතෝ පටිමං කත්තබ්බත්තා, උපෝසථස්ස, උපෝසථකම්මස්ස පුබ්බකරණානි වුච්චති. පුබ්බකරණානිති අක්ඛාතානි.

පුච්ඡා :-

ඡන්දපාරිසුද්ධි උතුක්ඛානං - භික්ඛුගණානා ච ඕවාදෝ, උපෝසථස්ස ඒතානි - පුබ්බකිච්චන්ති වුච්චති.

ඡන්දපාරිසුද්ධි, ඡන්දාරහානං භික්ඛුනං ඡන්දපාරිසුද්ධි ආහරණං කතං කිං?

විස්සජ්ජන :-

ඡන්දපාරිසුද්ධි ආහරණං ඉධ නත්ථී./ ඡන්දපාරිසුද්ධි ආහරණං නිට්ඨිතං.

පුච්ඡා :-

උතුක්ඛානං, හේමන්තාදීනං තිණ්ණං උතුනං චත්තකං අතික්කන්තං, චත්තකං අවසිට්ඨන්ති. ඒවං උතු ආචික්ඛනං කතං කිං?

විස්සජ්ජන :-

උතුනිධ පන සාසනේ හේමන්ත, ගිම්භ, වස්සානානං වස්සෙත තිණි හොන්ති. අයං උතු, අස්මිං උතුමිති අට්ඨ/දස උපෝසථා, ඉමිනා පක්ඛේන ඒකෝ උපෝසථෝ සම්පත්තෝ,

..... (උපෝසථා අතික්කන්තා,/උපෝසථෝ අතික්කන්තෝ,)
..... (උපෝසථා අවසිට්ඨා./උපෝසථෝ අවසිට්ඨෝ.)

ප්‍රවීණ :-

භික්ඛුගණනා ච, ඉමස්මිං උපෝසථග්ගේ සන්තිපතිතානං
භික්ඛුනං ගණනා, කිත්තකා භික්ඛු භොන්ති?

විස්සජ්ජන :-

ඉමස්මිං උපෝසථග්ගේ සන්තිපතිතානං භික්ඛුනං ගණනා
..... භික්ඛු භොන්ති.

ප්‍රවීණ :-

ඕවාදෝ, භික්ඛුණිනං ඕවාදෝ දාතඛිබ්බෝ දින්නෝ කිං?

විස්සජ්ජන :-

ඉදාහි පන තාසං නත්ථිතාය සෝ ච ඕවාදෝ ඉධ නත්ථි.

ප්‍රවීණ :-

උපෝසථස්ස ඒතාහි පුබ්බකිච්චන්ති වුච්චති කිං?

විස්සජ්ජන :-

ඒතාහි පඤ්චකම්මාහි ඡන්දාහරණාදිහි
පාතිමොක්ඛද්දේසතෝ පටිමං කත්තඛිබ්බන්තා උපෝසථස්ස,
උපෝසථකම්මස්ස පුබ්බකිච්චන්ති වුච්චති. පුබ්බකිච්චානිති
අක්ඛාතාහි.

ප්‍රවීණ :-

උපෝසථෝ යාවතිකා ච භික්ඛු - කම්මජ්ජන්තා
සභාගාපත්තියෝ ච
න විජ්ජන්ති වජ්ජනියා ච පුග්ගලා - තස්මිං න භොන්ති
පත්තකල්ලන්ති වුච්චති.

උපෝසථෝ, තිසු උපෝසථ දිවසේසු චාතුද්දසී, පණ්ණාරසී, සාමග්ගිසු අජීප්පෝසථෝ කෝ උපෝසථෝ?

විස්සජ්ජන :-

අජීප්පෝසථෝ පණ්ණාරසෝ./ චාතුද්දසෝ.

පුච්ඡා :-

යාවතිකා ච භික්ඛු කම්මප්පත්තාති කිං?

විස්සජ්ජන :-

යත්තකා භික්ඛු තස්ස උපෝසථකම්මස්ස, පත්තා යුත්තා අනුරූපා, සබ්බන්තිමේන පරිච්ඡේදේන චත්තාරෝ භික්ඛු පකතත්තා. සඞ්ඝේන අනුක්ඛිත්තා, තේ ච ඛෝ හත්ථපාසං අවිපහිත්වා ඒකසීමායං ධීතා.

පුච්ඡා :-

සභාගාපත්තියෝ ච න විජ්ජන්ති කිං?

විස්සජ්ජන :-

විකාල භෝජනාදි වත්ථු සභාගාපත්තියෝ ච න විජ්ජන්ති.

පුච්ඡා :-

වජ්ජනියා ච පුග්ගලා තස්මිං න භොන්ති කිං?

විස්සජ්ජන :-

ගහට්ඨ පණ්ඩකාදයෝ ඒකවීසති වජ්ජනිය පුග්ගලා හත්ථපාසතෝ ඛහිකරණවසේන වජ්ජේතඛිඛා. තේ අස්මිං න භොන්ති.

පුච්ඡා :-

පත්තකල්ලන්ති වුච්චති කිං?

විස්සජ්ජන :-

සඞ්ඝස්ස උපෝසථකමිම ඉමේහි චතුහි ලක්ඛණෝහි
සඞ්ගහිතං පත්තකල්ලන්ති වුච්චති. පත්තකාලවන්තන්ති
අක්ඛාතං. පුබ්බකරණා පුබ්බකිච්චානි සමාපෙත්වා
දේසිතාපත්තිකස්ස සමග්ගස්ස හික්ඛුසඞ්ඝස්ස අනුමතියා
පාතිමොක්ඛං උද්දිසිතං ආරාධනං කරෝමි.

සාධු ! සාධු !! සාධු !!!

පුබ්බකරණාදි විධි සමත්තා.

හික්බු පාතිමොක්ඛ පාළි නිදානුද්දේසෝ

නමෝ තස්ස භගවතෝ අරහතෝ සම්මා සම්බුද්ධස්ස !!!

සුඤ්ඤානු මේ භන්තේ සඞ්ඤෝ, අජ්ජපෝසට්ඨෝ පණ්ණාරසෝ/වාතුද්දසෝ, යදි සඞ්ඤස්ස පත්තකල්ලං, සඞ්ඤෝ උපෝසථං කරෙය්‍ය, පාතිමොක්ඛං උද්දිසෙය්‍ය. කිං සඞ්ඤස්ස පුබ්බකිච්චං? පාරිසුද්ධිං ආයස්මන්තෝ ආරෝචේථ, පාතිමොක්ඛං උද්දිසිස්සාමි. තං සබ්බේව සන්තා සාධුකං සුඤ්ඤාම මනසිකරෝම. යස්ස සියා ආපත්ති, සෝ ආවිකරෙය්‍ය. අසන්තියා ආපත්තියා තුණ්හි භවිතබ්බං. තුණ්හිනාවේන ඛෝ පනායස්මන්තේ පරිසුද්ධාති වේදිසිස්සාමි. යථා ඛෝ පන පච්චේකපුට්ඨස්ස වෙය්‍යාකරණං හෝති, ඒවමේවං ඒවරූපාය පරිසාය යාවතතියං අනුසාවිතං හෝති. යෝ පන හික්බු යාවතතියං අනුසාවියමානේ, සරමානෝ සන්තිං ආපත්තිං නාවිකරෙය්‍ය, සම්පජානමුසාවාදස්ස හෝති. සම්පජානමුසාවාදෝ ඛෝ පනායස්මන්තෝ අන්තරායිකෝ ධම්මෝ චුත්තෝ භගවතා. තස්මා සරමානේන හික්බුනා ආපන්නේන විසුද්ධාපෙක්ඛේන සන්ති ආපත්ති ආවිකාතබ්බා, ආවිකතා හිස්ස ඵාසු හෝති.

උද්දිට්ඨං ඛෝ ආයස්මන්තෝ නිදානං.

තත්ථායස්මන්තේ පුච්ඡාමි, කච්චිත්ථ පරිසුද්ධා ?

දුතියමිපි පුච්ඡාමි, කච්චිත්ථ පරිසුද්ධා ?

තතියමිපි පුච්ඡාමි, කච්චිත්ථ පරිසුද්ධා ?

පරිසුද්ධෙත්ථායස්මන්තෝ තස්මා තුණ්හි, ඒවමේතං ධාරයාමි.

නිදානුද්දේසෝ පටිමෝ.

තත්ත්වයේ වත්තාරයේ පාරාජිකා ධර්මය උද්දේසං ආගවිජන්ති.

1. යෝ පන භික්ඛු භික්ඛුනං සික්ඛාසාප්පසමාපන්නෝ සික්ඛං අපච්චක්ඛාය දුබ්බලයං අනාවිකත්වා මෙට්ඨනං ධර්මං පතිස්සේවෙය්‍ය, අන්තමසෝ තිරවිජානගතායපි, පාරාජිකෝ හෝති අසංවාසෝ.

2. යෝ පන භික්ඛු ගාමා වා අරඤ්ඤා වා අදින්නං ථෙය්‍යසංඛාතං ආදියෙය්‍ය, යථාරූපේ අදින්නාදානේ රාජානෝ චෝරං ගහෙත්වා හනෙය්‍යුං වා ඛන්ධෙය්‍යුං වා පඬිබාජෙය්‍යුං වා; චෝරෝසි ඛාලෝසි මුල්ලෝසි ථේනෝසිති, තථාරූපං භික්ඛු අදින්නං ආදියමානෝ, අයම්පි පාරාජිකෝ හෝති අසංවාසෝ.

3. යෝ පන භික්ඛු සඤ්චිච්ච මනුස්සවිග්ගහං ජීවිතා චෝරෝපෙය්‍ය, සත්ථහාරකං වාස්ස පරියේසෙය්‍ය, මරණවණ්ණං වා සංවණ්ණෙය්‍ය, මරණාය වා සමාදාපෙය්‍ය; අම්හෝ පුරිස, කිං තුය්හිමිනා පාපකේන දුජ්ජීවිතේන, මතන්තේ ජීවිතා සෙය්‍යෝ ති. ඉති චිත්තමනෝ චිත්තසඬ්ඛප්පෝ අනේකපරියායේන මරණවණ්ණං වා සංවණ්ණෙය්‍ය මරණාය වා සමාදාපෙය්‍ය, අයම්පි පාරාජිකෝ හෝති අසංවාසෝ.

4. යෝ පන භික්ඛු අනභිජානං උත්තරිමනුස්සධර්මං අත්තූපනායිකං අලමරියඤ්ඤාණදස්සනං සමුදාවරෙය්‍ය; ඉති ජානාමි ඉති පස්සාමිති. තතෝ අපරේන සමයේන සමනුග්ගාහියමානෝ වා අසමනුග්ගාහියමානෝ වා ආපන්නෝ විසුද්ධාපෙක්ඛෝ ඒවං වදෙය්‍ය; අජානමේවං ආවුසෝ අවචං ජානාමි අපස්සං පස්සාමි, තුච්ඡං මුසා විලපින්නි, අඤ්ඤානු අධිමානා, අයම්පි පාරාජිකෝ හෝති අසංවාසෝ.

උද්දිට්ඨා ඛෝ ආයස්මන්තෝ, චත්තාරෝ පාරාජිකා ධම්මා.
යේසං භික්ඛු අඤ්ඤතරං වා අඤ්ඤතරං වා ආපජ්ජිත්වා
න ලහති භික්ඛුහි සද්ධිං සංවාසං යථා පුරේ තථා පච්ඡා,
පාරාජිකෝ හෝති අසංවාසෝ.

තත්ථායස්මන්තේ පුච්ඡාමි, කච්චිත්ථ පරිසුද්ධා ?
දුතියමිපි පුච්ඡාමි, කච්චිත්ථ පරිසුද්ධා ?
තතියමිපි පුච්ඡාමි, කච්චිත්ථ පරිසුද්ධා ?
පරිසුද්ධෙත්ථායස්මන්තෝ තස්මා තුණ්හි, ඒවමේතං
ධාරයාමි.

පාරාජිකුද්දේසෝ දුතියෝ.

ඉමේ ඛෝ පනායස්මන්තෝ තේරස සඞ්ඝාදිසේසා ධම්මා
උද්දේසං ආගච්ඡන්ති.

1. සඤ්චේතනිකා සුක්කච්ඡට්ඨි අඤ්ඤත්‍ර සුපිනන්තා
සඞ්ඝාදිසේසෝ.

2. යෝ පන භික්ඛු ඕච්ඡිණ්ණෝ විපරිණාතේන චිත්තේන
මාතුගාමේන සද්ධිං කායසංසග්ගං සමාපජ්ජෙය්‍ය,
හත්ථගාහං වා චේණිගාහං වා අඤ්ඤතරස්ස වා
අඤ්ඤතරස්ස වා අභිගස්ස පරාමසනං සඞ්ඝාදිසේසෝ.

3. යෝ පන භික්ඛු ඕච්ඡිණ්ණෝ විපරිණාතේන චිත්තේන
මාතුගාමං දුට්ඨල්ලාහි වාචාහි ඕභාසෙය්‍ය, යථා තං යුචා
යුචතිං මේථුනුපසංහිතාහි සඞ්ඝාදිසේසෝ.

4. යෝ පන භික්ඛු ඕච්ඡිණ්ණෝ විපරිණාතේන චිත්තේන
මාතුගාමස්ස සන්තිකේ අත්තකාමපාරිචරියාය වණ්ණං
භාසෙය්‍ය; ඒතදග්ගං භගිහි පාරිචරියානං, යා මාදිසං

සිලවන්තං කලාණාධම්මං බ්‍රහ්මචාරිං, ඒතෙන ධම්මෙන පරිචරෙය්‍යාති මේථුනුපසංහිතෙන සඞ්ඝාදිසේසෝ.

5. යෝ පන භික්ඛු සඤ්චරිත්තං සමාපජ්ජෙය්‍ය, ඉත්ථියා වා පුරිසමතිං පුරිසස්ස වා ඉත්ථිමතිං, ජායත්තනේ වා ජාරත්තනේ වා අන්තමසෝ තඞ්ඛණිකායපි සඞ්ඝාදිසේසෝ.

6. සඤ්ඤාචිකාය පන භික්ඛුනා කුටිං කාරයමානේන අස්සාමිකං අත්තුද්දේසං පමාණිකා කාරේතඞ්ඛා. තත්ත්වං පමාණං; දිඝසෝ ද්වාදසවිදත්ථියෝ සුගතවිදත්ථියා, තිරියං සත්තන්තරා. භික්ඛු අභිනේතඞ්ඛා චත්ථුදේසනාය, තේහි භික්ඛුහි චත්ථුං දේසේතඞ්ඛං අනාරම්භං සපරික්කමනං. සාරම්භේ චේ භික්ඛු චත්ථුස්මිං අපරික්කමනේ සඤ්ඤාචිකාය කුටිං කාරෙය්‍ය, භික්ඛු වා අනභිනෙය්‍ය චත්ථුදේසනාය, පමාණං වා අතික්කාමෙය්‍ය සඞ්ඝාදිසේසෝ.

7. මහල්ලකං පන භික්ඛුනා විහාරං කාරයමානේන සස්සාමිකං අත්තුද්දේසං භික්ඛු අභිනේතඞ්ඛා චත්ථුදේසනාය. තේහි භික්ඛුහි චත්ථුං දේසේතඞ්ඛං අනාරම්භං සපරික්කමනං. සාරම්භේ චේ භික්ඛු චත්ථුස්මිං අපරික්කමනේ මහල්ලකං විහාරං කාරෙය්‍ය, භික්ඛු වා අනභිනෙය්‍ය චත්ථුදේසනාය සඞ්ඝාදිසේසෝ.

8. යෝ පන භික්ඛු භික්ඛුං දුට්ඨෝ දෝසෝ අප්පතීතෝ, අමුලකේන පාරාජිකේන ධම්මෙන අනුද්ධංසෙය්‍ය; අප්පේවනාම නං ඉමමිහා බ්‍රහ්මචරියා වාචෙය්‍යන්ති. තතෝ අපරේන සමයේන සමනුග්ගාහියමානෝ වා අසමනුග්ගාහියමානෝ වා අමුලකඤ්චේව තං අධිකරණං හෝති, භික්ඛු ච දෝසං පතිට්ඨාති සඞ්ඝාදිසේසෝ.

9. යෝ පන භික්ඛු භික්ඛුං දුට්ඨෝ දෝසෝ අප්පතීතෝ, අඤ්ඤාභාගියස්ස අධිකරණස්ස කිඤ්චිද්දේසං ලේසමත්තං

උපාදාය පාරාජිකේන ධම්මේන අනුද්ධංසෙය්‍ය; අප්පේවනාම නං ඉමමිහා බ්‍රහ්මචරියා චාවෙය්‍යන්ති. තතෝ අපරේන සමයේන සමනුග්ගාහියමානෝ චා අසමනුග්ගාහියමානෝ චා අඤ්ඤාභාගියඤ්චේව තං අධිකරණං හෝති, කෝච්ඤ්ඤෝ ලේසමත්තෝ උපාදින්නෝ, හික්ඛු ච දෝසං පතිට්ඨාති සඞ්ඝාදිසේසෝ.

10. යෝ පන හික්ඛු සමග්ගස්ස සඞ්ඝස්ස හේදාය පරක්කමෙය්‍ය, හේදනසංවත්තනිකං චා අධිකරණං සමාදාය පග්ගය්හ තිට්ඨෙය්‍ය, සෝ හික්ඛු හික්ඛුහි ඒවමස්ස වචනීයෝ; මා ආයස්මා සමග්ගස්ස සඞ්ඝස්ස හේදාය පරක්කමි, හේදනසංවත්තනිකං චා අධිකරණං සමාදාය පග්ගය්හ අට්ඨාසි. සමේතායස්මා සඞ්ඝේන, සමග්ගෝ හි සඞ්ඝෝ සම්මෝදමානෝ අවිච්ඡුමානෝ ඒකුද්දේසෝ ඵාසු විහරතිති. ඒවඤ්ච සෝ හික්ඛු හික්ඛුහි චුච්චමානෝ, තථේව පග්ගණ්හෙය්‍ය, සෝ හික්ඛු හික්ඛුහි යාවතතියං සමනුභාසිතඞ්ඛෝ තස්ස පටිනිස්සග්ගාය, යාවතතියඤ්චේ සමනුභාසියමානෝ තං පටිනිස්සජ්ජෙය්‍ය, ඉච්චේතං කුසලං නෝ චේ පටිනිස්සජ්ජෙය්‍ය සඞ්ඝාදිසේසෝ.

11. තස්සේව ඛෝ පන හික්ඛුස්ස හික්ඛු හොන්ති අනුචත්තකා වග්ගවාදකා ඒකෝ චා ද්වේ චා තයෝ චා තේ ඒවං වදෙය්‍යං; මා ආයස්මන්තෝ ඒතං හික්ඛුං කිඤ්චි අවචුත්ථ, ධම්මවාදී චේසෝ හික්ඛු විනයවාදී චේසෝ හික්ඛු අමිහාකඤ්චේසෝ හික්ඛු ඡන්දඤ්ච රුචිඤ්ච ආදාය චෝහරති. ජානාති නෝ භාසති අමිහාකම්පේතං ධම්මිති. තේ හික්ඛු හික්ඛුහි ඒවමස්ස වචනීයා; මා ආයස්මන්තෝ ඒවං අවචුත්ථ, හ චේසෝ හික්ඛු ධම්මවාදී, හ චේසෝ හික්ඛු විනයවාදී, මා ආයස්මන්තානම්පි සඞ්ඝහේදෝ රුචිචිත්ථ. සමේතායස්මන්තානං සඞ්ඝේන , සමග්ගෝ හි සඞ්ඝෝ සම්මෝදමානෝ අවිච්ඡුමානෝ ඒකුද්දේසෝ ඵාසු විහරතිති. ඒවඤ්ච තේ හික්ඛු හික්ඛුහි චුච්චමානා තථේව

පශ්චාත්තොසයානං, තේ භික්ඛු භික්ඛුහි යාවතතියං සමනුභාසිතබ්බා තස්ස පටිනිස්සග්ගාය. යාවතතියඤ්චේ සමනුභාසියමානා තං පටිනිස්සජ්ජෙය්‍යං, ඉච්චේතං කුසලං. නෝ චේ පටිනිස්සජ්ජෙය්‍යං සඞ්ඝාදිසේසෝ.

12. භික්ඛු පනේව දුබ්බවජාතිකෝ හෝති, උද්දේසපරියාපන්තේසු සික්ඛාපදේසු භික්ඛුහි සහධම්මිකං වුච්චමානෝ අත්තානං අවචනියං කරෝති; මා මං ආයස්මන්තෝ කිඤ්චි අවචුත්ථ කලාණං වා පාපකං වා, අහම්පායස්මන්තේ න කිඤ්චි වක්ඛාමි කලාණං වා පාපකං වා, විරමථායස්මන්තෝ මම වචනායාති. සෝ භික්ඛු භික්ඛුහි ඒවමස්ස වචනියෝ; මා ආයස්මා අත්තානං අවචනියං අකාසි, වචනියමේවායස්මා අත්තානං කරෝතු, ආයස්මාපි භික්ඛු වදේතු සහධම්මේන, භික්ඛුපි ආයස්මන්තං වක්ඛන්ති සහධම්මේන, ඒවං සංවද්ධා හි තස්ස හගවතෝ පරිසා, යදිදං අඤ්ඤමඤ්ඤවචනේන අඤ්ඤමඤ්ඤවුට්ඨාපනේනාති. ඒවඤ්ඤව සෝ භික්ඛු භික්ඛුහි වුච්චමානෝ තථේව පශ්චාත්තොසයා, සෝ භික්ඛු භික්ඛුහි යාවතතියං සමනුභාසිතබ්බෝ තස්ස පටිනිස්සග්ගාය, යාවතතියඤ්චේ සමනුභාසියමානෝ තං පටිනිස්සජ්ජෙය්‍යං, ඉච්චේතං කුසලං. නෝ චේ පටිනිස්සජ්ජෙය්‍යං සඞ්ඝාදිසේසෝ.

13. භික්ඛු පනේව අඤ්ඤතරං ගාමං වා නිගමං වා උපනිස්සාය විහරති, කුලදුසකෝ පාපසමාවාරෝ. තස්ස ඛෝ පාපකා සමාවාරා දිස්සන්ති චේව සුය්‍යන්ති ච, කුලානි ච තේන දුට්ඨානි දිස්සන්ති චේව සුය්‍යන්ති ච, සෝ භික්ඛු භික්ඛුහි ඒවමස්ස වචනියෝ; ආයස්මා ඛෝ කුලදුසකෝ පාපසමාවාරෝ. ආයස්මතෝ ඛෝ පාපකා සමාවාරා දිස්සන්ති චේව සුය්‍යන්ති ච, කුලානි වායස්මනා දුට්ඨානි දිස්සන්ති චේව සුය්‍යන්ති ච, පක්කමතායස්මා ඉමම්භා ආවාසා, අලං තේ ඉධ වාසේනාති. ඒවඤ්ඤව සෝ භික්ඛු

හික්බුහි චුච්චමානෝ තේ හික්බු ඒවං වදෙය්; ඡන්දගාමිනෝ ච හික්බු ද්‍රෝසගාමිනෝ ච හික්බු මෝහගාමිනෝ ච හික්බු භයගාමිනෝ ච හික්බු, තාදිසිකාය ආපත්තියා ඒකච්චං පබ්බාපෙන්නි, ඒකච්චං න පබ්බාපෙන්නි. සෝ හික්බු හික්බුහි ඒවමස්ස වචනියෝ; මා ආයස්මා ඒවං අවච, න ච හික්බු ඡන්දගාමිනෝ න ච හික්බු ද්‍රෝසගාමිනෝ න ච හික්බු මෝහගාමිනෝ න ච හික්බු භයගාමිනෝ, ආයස්මා ඛෝ කුලදුසකෝ පාපසමාවාරෝ, ආයස්මතෝ ඛෝ පාපකා සමාවාරා දිස්සන්ති චේව සුය්‍යන්ති ච, කුලානි වායස්මතා දුට්ඨානි දිස්සන්ති චේව සුය්‍යන්ති ච, පක්කමතායස්මා ඉමමිහා ආවාසා, අලං තේ ඉධ වාසේනාති. ඒවඤ්ච සෝ හික්බු හික්බුහි චුච්චමානෝ තථේව පග්ගණ්හෙය්, සෝ හික්බු හික්බුහි යාවතතියං සමනුභාසිතබ්බෝ තස්ස පටිනිස්සග්ගාය, යාවතතියඤ්චේ සමනුභාසියමානෝ තං පටිනිස්සජ්ජෙය්, ඉච්චේතං කුසලං. නෝ චේ පටිනිස්සජ්ජෙය් සඞ්ඝාදිසේසෝ.

උද්දිට්ඨා ඛෝ ආයස්මන්තෝ තේරස සඞ්ඝාදිසේසා ධම්මා, නච පට්ඨමාපත්තිකා, චත්තාරෝ යාවතතියකා. යේසං හික්බු අඤ්ඤතරං වා අඤ්ඤතරං වා ආපජ්ජත්වා, යාවතිහං ජානං පටිච්ඡාදේති, තාවතිහං තේන හික්බුනා අකාමා පරිවත්ථබ්බං. පරිචුත්ථපරිවාසේන හික්බුනා උත්තරං ඡාරත්තං හික්බුමානත්තාය පටිපජ්ජත්වබ්බං. චිණ්ණමානත්තෝ හික්බු යත්ථ සියා වීසතිගණෝ හික්බුසඞ්ඝෝ, තත්ථ සෝ හික්බු අබ්භේතබ්බෝ. ඒකේනපි චේ උගනෝ වීසතිගණෝ හික්බුසඞ්ඝෝ තං හික්බුං අබ්භෙය්, සෝ ච හික්බු අනබ්භිතෝ. තේ ච හික්බු ගාරය්හා, අයං තත්ථ සාමීචි.

තත්ථායස්මන්තේ පුච්ඡාමි, කච්චිත්ථ පරිසුද්ධා ?
 දුතියමිපි පුච්ඡාමි, කච්චිත්ථ පරිසුද්ධා ?
 තතියමිපි පුච්ඡාමි, කච්චිත්ථ පරිසුද්ධා ?

පරිසුද්ධත්වය සම්බන්ධයෙන් තස්මා තුණ්හි, ඒවමේනං ධාරයාමි.

සඞ්ඝාදිසේසුද්දේසෝ තතියෝ.

ඉමේ ඛෝ පනායස්මන්තෝ ද්වේ අනියතා ධම්මා උද්දේසං ආගච්ඡන්ති.

1. යෝ පන භික්ඛු මාතුගාමේන සද්ධිං ඒකෝ ඒකාය රහෝ පටිච්ඡන්තෝ ආසනෝ අලංකම්මනියෝ නිසජ්ජං කප්පෙය්‍ය, තමේනං සද්ධෙය්‍යවචසා උපාසිකා දිස්වා තිණ්ණං ධම්මානං අඤ්ඤාතරේන වදෙය්‍ය, පාරාජිකේන වා සඞ්ඝාදිසේසේන වා පාචිත්තියේන වා. නිසජ්ජං භික්ඛු පටිජානමානෝ තිණ්ණං ධම්මානං අඤ්ඤාතරේන කාරේතඞ්ඛිඛෝ, පාරාජිකේන වා සඞ්ඝාදිසේසේන වා පාචිත්තියේන වා. යේන වා සා සද්ධෙය්‍යවචසා උපාසිකා වදෙය්‍ය, තේන සෝ භික්ඛු කාරේතඞ්ඛිඛෝ අයං ධම්මෝ අනියතෝ.

2. නහේව ඛෝ පන පටිච්ඡන්තං ආසනං හෝති නාලංකම්මනියං, අලඤ්ච ඛෝ හෝති මාතුගාමං දුට්ඨුල්ලාහි වාචාහි ඕහාසිතුං. යෝ පන භික්ඛු තථාරූපේ ආසනෝ මාතුගාමේන සද්ධිං ඒකෝ ඒකාය රහෝ නිසජ්ජං කප්පෙය්‍ය, තමේනං සද්ධෙය්‍යවචසා උපාසිකා දිස්වා ද්වින්නං ධම්මානං අඤ්ඤාතරේන වදෙය්‍ය, සඞ්ඝාදිසේසේන වා පාචිත්තියේන වා. නිසජ්ජං භික්ඛු පටිජානමානෝ ද්වින්නං ධම්මානං අඤ්ඤාතරේන කාරේතඞ්ඛිඛෝ, සඞ්ඝාදිසේසේන වා පාචිත්තියේන වා. යේන වා සා සද්ධෙය්‍යවචසා උපාසිකා වදෙය්‍ය, තේන සෝ භික්ඛු කාරේතඞ්ඛිඛෝ අයම්පි ධම්මෝ අනියතෝ.

උද්දිට්ඨා ඛෝ ආයස්මන්තෝ ද්වේ අනියතා ධම්මා.
තත්ථායස්මන්තේ පුච්ඡාමි, කච්චිත්ථ පරිසුද්ධා ?

දුතියමිපි පුච්ඡාමි, කච්චිත්ථ පරිසුද්ධා ?
තතියමිපි පුච්ඡාමි, කච්චිත්ථ පරිසුද්ධා ?
පරිසුද්ධෙත්ථායස්මන්තෝ තස්මා තුණ්හි, ඒවමේතං
ධාරයාමි.

අනියතුද්දේසෝ චතුත්ථෝ.

ඉමේ ඛෝ පනායස්මන්තෝ තිංස නිස්සග්ගියා පාචිත්තියා
ධම්මා උද්දේසං ආගච්ඡන්ති.

1. නිට්ඨිතච්චරස්මිං භික්ඛුනා උඬ්භතස්මිං කඨිනේ,
දසාහපරමං අතිරේකච්චරං ධාරේතඛිඛං. තං
අතික්කාමයතෝ නිස්සග්ගියං පාචිත්තියං.

2. නිට්ඨිතච්චරස්මිං භික්ඛුනා උඬ්භතස්මිං කඨිනේ,
ඒකරත්තමිපි චේ භික්ඛු තිච්චරේන විජ්ජවසෙය්‍ය, අඤ්ඤානු
භික්ඛුසම්මුතියා නිස්සග්ගියං පාචිත්තියං.

3. නිට්ඨිතච්චරස්මිං භික්ඛුනා උඬ්භතස්මිං කඨිනේ,
භික්ඛුනෝ පනේව අකාලච්චරං උජ්ජජ්ජෙය්‍ය,
ආකච්චිතානේන භික්ඛුනා පටිග්ගහේතඛිඛං, පටිග්ගහෙන්වා
ඛිජ්ජමේව කාරේතඛිඛං. නෝ චස්ස පාරිජුරි, මාසපරමං
තේන භික්ඛුනා තං ච්චරං නික්ඛිපිතඛිඛං. උග්ගස්ස
පාරිජුරියා සතියා පච්චාසාය, තතෝ චේ උත්තරිං
නික්ඛිපෙය්‍ය සතියාපි පච්චාසාය නිස්සග්ගියං පාචිත්තියං.

4. යෝ පන භික්ඛු අඤ්ඤාතිකාය භික්ඛුනියා පුරාණච්චරං
ඛෝවාපෙය්‍ය වා රජාපෙය්‍ය වා ආකෝවාපෙය්‍ය වා
නිස්සග්ගියං පාචිත්තියං.

5. යෝ පන භික්ඛු අඤ්ඤාතිකාය භික්ඛුනියා හත්ථතෝ චීවරං පටිග්ගණ්භෙය්‍ය අඤ්ඤත්‍ර පාරිවට්ටකා නිස්සග්ගියං පාචිත්තියං.

6. යෝ පන භික්ඛු අඤ්ඤාතකං ගහපතිං වා ගහපතානිං වා චීවරං විඤ්ඤාපෙය්‍ය අඤ්ඤත්‍ර සමයා නිස්සග්ගියං පාචිත්තියං. තත්ථායං සමයෝ, අවිජ්ජන්තචීවරෝ වා හෝති භික්ඛු නට්ඨචීවරෝ වා අයං තත්ථ සමයෝ.

7. තඤ්ඤෙවි අඤ්ඤාතකෝ ගහපති වා ගහපතානි වා ඛණ්ඨ චීවරේහි අභිහට්ඨං පවාරෙය්‍ය, සන්තරුත්තරපරමං තේන භික්ඛුනා තතෝ චීවරං සාදිතඛිධං, තතෝ චේ උත්තරිං සාදියෙය්‍ය නිස්සග්ගියං පාචිත්තියං.

8. භික්ඛුං පනේව උද්දිස්ස අඤ්ඤාතකස්ස ගහපතිස්ස වා ගහපතානියා වා චීවරචේතාපන්නං උපක්ඛටං හෝති; ඉමිනා චීවරචේතාපන්නේන චීවරං චේතාපෙත්වා ඉත්ථන්නාමං භික්ඛුං චීවරේන අවිජාදෙස්සාමාති. තත්‍ර චේ සෝ භික්ඛු පුඛ්ඛේ අප්පචාරිතෝ උපසඞ්කම්ත්වා චීවරේ විකප්පං ආපජ්ජෙය්‍ය; සාධු වත මං ආයස්මා ඉමිනා චීවරචේතාපන්නේන චීවරපං වා චීවරපං වා චීවරං චේතාපෙත්වා අවිජාදේහීති, කල්‍යාණාකම්‍යතං උපාදාය නිස්සග්ගියං පාචිත්තියං.

9. භික්ඛුං පනේව උද්දිස්ස උභින්නං අඤ්ඤාතකානං ගහපතීනං වා ගහපතානීනං වා පච්චේකචීවරචේතාපන්නානි උපක්ඛටානි හොන්ති; ඉමේහි මයං පච්චේකචීවරචේතාපන්නේහි පච්චේකචීවරානි චේතාපෙත්වා ඉත්ථන්නාමං භික්ඛුං චීවරේහි අවිජාදෙස්සාමාති. තත්‍ර චේ සෝ භික්ඛු පුඛ්ඛේ අප්පචාරිතෝ උපසඞ්කම්ත්වා චීවරේ විකප්පං ආපජ්ජෙය්‍ය; සාධු වත මං ආයස්මන්තෝ ඉමේහි

පව්වේකවිවරවේතාපන්නේහි ඒවරූපං වා ඒවරූපං වා විවරං වේතාපෙත්වා අවිජාදේට්ඨ, උනෝව සන්නා ඒකේනාති, කල්‍යාණකම්‍යතං උපාදාය නිස්සංගියං පාවිත්තියං.

10. භික්ඛුං පනේව උද්දිස්ස රාජා වා රාජනොග්ගෝ වා බ්‍රාහ්මණෝ වා ගහපතිකෝ වා දුතේන විවරවේතාපන්නං පතිණොය්‍ය; ඉමිනා විවරවේතාපන්නේන විවරං වේතාපෙත්වා ඉත්ථන්නාමං භික්ඛුං විවරේන අවිජාදේහීති. සෝ චේ දුතෝ තං භික්ඛුං උපසඬ්ඛිකමිත්වා ඒවං වදෙය්‍ය; ඉදං ඛෝ භන්නේ ආයස්මන්නං උද්දිස්ස විවරවේතාපන්නං ආහතං, පතිගණ්හාතු ආයස්මා විවරවේතාපන්නන්ති. තේන භික්ඛුනා සෝ දුතෝ ඒවමස්ස වචනියෝ; න ඛෝ මයං ආවුසෝ විවරවේතාපන්නං පතිගණ්හාම, විවරඤ්ච ඛෝ මයං පතිගණ්හාම කාලේන කප්පියන්ති. සෝ චේ දුතෝ තං භික්ඛුං ඒවං වදෙය්‍ය; අත්ථි පනායස්මතෝ කෝචි වෙය්‍යාවච්චකරෝති. විවරත්ථිකේන භික්ඛවේ භික්ඛුනා වෙය්‍යාවච්චකරෝ නිද්දිසිතඛිඛෝ, ආරාමිකෝ වා උපාසකෝ වා, ඒසෝ ඛෝ ආවුසෝ භික්ඛුනං වෙය්‍යාවච්චකරෝති. සෝ චේ දුතෝ තං වෙය්‍යාවච්චකරං සඤ්ඤාපෙත්වා තං භික්ඛුං උපසඬ්ඛිකමිත්වා ඒවං වදෙය්‍ය; යං ඛෝ භන්නේ ආයස්මා වෙය්‍යාවච්චකරං නිද්දිසි, සඤ්ඤාත්තෝ සෝ මයා. උපසඬ්ඛිකමතු ආයස්මා කාලේන විවරේන තං අවිජාදෙස්සහීති. විවරත්ථිකේන භික්ඛවේ භික්ඛුනා වෙය්‍යාවච්චකරෝ උපසඬ්ඛිකමිත්වා, ද්වත්තික්ඛත්තං චෝදේතඛිඛෝ සාරේතඛිඛෝ; අත්ථෝ මේ ආවුසෝ විවරේනාති. ද්වත්තික්ඛත්තං චෝදයමානෝ සාරයමානෝ තං විවරං අභිනිප්පාදෙය්‍ය ඉච්චේතං කුසලං. නෝ චේ අභිනිප්පාදෙය්‍ය, චතුක්ඛත්තං පඤ්චක්ඛත්තං ඡක්ඛත්තපරමං තුණ්හිභූතේන උද්දිස්ස ධාතඛිඛං. චතුක්ඛත්තං පඤ්චක්ඛත්තං ඡක්ඛත්තපරමං තුණ්හිභූතෝ උද්දිස්ස තිට්ඨමානෝ තං විවරං අභිනිප්පාදෙය්‍ය, ඉච්චේතං කුසලං. තතෝ චේ උත්තරිං වායමමානෝ තං

විවරං අභිනිප්ථාදෙය්‍ය නිස්සංගිං පාචිත්තිං. නෝ චේ
අභිනිප්ථාදෙය්‍ය, යතස්ස විවරවේතාපන්නං ආහතං, තත්ථ
සාමං වා ගන්තබ්බං දුතෝ වා පාහේතබ්බෝ; යං ඛෝ
තුමිහේ ආයස්මන්තෝ භික්ඛුං උද්දිස්ස විවරවේතාපන්නං
පහිණිත්ථ, න තං තස්ස භික්ඛුනෝ කිඤ්චි අත්ථං
අනුභෝති. යුඤ්ජන්තායස්මන්තෝ සකං, මා චෝ සකං
විනස්සාති. අයං තත්ථ සාමීචි.

විවරවග්ගෝ පටිමෝ.

11. යෝ පන භික්ඛු කෝසියමිස්සකං සන්ථතං කාරාපෙය්‍ය
නිස්සංගිං පාචිත්තිං.

12. යෝ පන භික්ඛු සුද්ධකාළකානං ඵ්ලකලෝමානං
සන්ථතං කාරාපෙය්‍ය නිස්සංගිං පාචිත්තිං.

13. නවං පන භික්ඛුනා සන්ථතං කාරයමානේන, ද්වේ භාගා
සුද්ධකාළකානං ඵ්ලකලෝමානං ආදානබ්බා, තතියං
ඕදානානං චතුත්ථං ගෝවරියානං. අනාදා චේ භික්ඛු ද්වේ
භාගේ සුද්ධකාළකානං ඵ්ලකලෝමානං තතියං ඕදානානං
චතුත්ථං ගෝවරියානං නවං සන්ථතං කාරාපෙය්‍ය
නිස්සංගිං පාචිත්තිං.

14. නවං පන භික්ඛුනා සන්ථතං කාරාපෙත්වා, ඡබ්බස්සානි
ධාරේතබ්බං. ඕරේන චේ ඡන්නං වස්සානං තං සන්ථතං
විස්සජ්ජෙත්වා වා, අවිස්සජ්ජෙත්වා වා අඤ්ඤං නවං
සන්ථතං කාරාපෙය්‍ය, අඤ්ඤත්‍ර භික්ඛුසම්මුතියා
නිස්සංගිං පාචිත්තිං.

15. නිසීදනසන්ථතං පන භික්ඛුනා කාරයමානේන,
පුරාණසන්ථතස්ස සාමන්තා සුගතවිදත්ථී ආදානබ්බා
දුබ්බණ්ණකරණාය. අනාදා චේ භික්ඛු පුරාණසන්ථතස්ස

සාමන්තා සුගතවිදුන්ථිං නවං නිසිදනසන්ථනං කාරාපෙය්‍ය
නිස්සග්ගියං පාචිත්තියං.

16. භික්ඛුනෝ පනේව අද්ධානමග්ගපටිපන්නස්ස
චීළකලෝමානි උප්පජ්ජෙය්‍යං, ආකඩ්ඛමානේන භික්ඛුනා
පටිග්ගහේතඛිබානි. පටිග්ගහෙන්වා තියෝජනපරමං
සහන්ථා හරිතඛිබානි අසන්තේ භාරකේ. තතෝ චේ
උත්තරිං හරෙය්‍ය, අසන්තේපි භාරකේ නිස්සග්ගියං
පාචිත්තියං.

17. යෝ පන භික්ඛු අඤ්ඤාතිකාය භික්ඛුනියා
චීළකලෝමානි ධෝවාපෙය්‍ය වා රජාපෙය්‍ය වා විජටාපෙය්‍ය
වා නිස්සග්ගියං පාචිත්තියං.

18. යෝ පන භික්ඛු ජාතරූපරජනං උග්ගණ්හෙය්‍ය වා
උග්ගණ්හාපෙය්‍ය වා උපනික්ඛිත්තං වා සාදිගෙය්‍ය
නිස්සග්ගියං පාචිත්තියං.

19. යෝ පන භික්ඛු නානප්පකාරකං රූපියසංවෝහාරං
සමාපජ්ජෙය්‍ය නිස්සග්ගියං පාචිත්තියං.

20. යෝ පන භික්ඛු නානප්පකාරකං කයචික්කයං
සමාපජ්ජෙය්‍ය නිස්සග්ගියං පාචිත්තියං.

කෝසියවග්ගෝ දුතියෝ.

21. දසාහපරමං අතිරේකපත්තෝ ධාරේතඛිබ්බෝ. තං
අතික්කාමයතෝ නිස්සග්ගියං පාචිත්තියං.

22. යෝ පන භික්ඛු උග්ගපඤ්චබන්ධනේන පත්තේන
අඤ්ඤං නවං පත්තං චේතාපෙය්‍ය නිස්සග්ගියං
පාචිත්තියං. තේන භික්ඛුනා සෝ පත්තෝ භික්ඛුපරිසාය

නිස්සජ්ජිතබ්බෝ. යෝ ච තස්සා භික්ඛුපරිසාය පත්තපරියන්තෝ, සෝ තස්ස භික්ඛුනෝ පදාතබ්බෝ; අයං තේ භික්ඛු පත්තෝ යාව භේදනාය ධාරේතබ්බෝති. අයං තත්ථ සාමීචි.

23. යාති ඛෝ පන තාති ගිලානානං භික්ඛුනං පටිසායනියාති භේසජ්ජාති, සෙය්‍යථිදං; සජ්ජි නවනීතං තේලං මධු චාණිතං, තාති පටිග්ගහෙන්වා සත්තාහපරමං සන්නිධිකාරකං පරිභුඤ්ජිතබ්බාති. තං අතික්කාමයතෝ නිස්සග්ගියං පාචිත්තියං.

24. මාසෝ සේසෝ ගිම්භානන්ති භික්ඛුනා චස්සිකසාට්ඨිචරං පරියේසිතබ්බං. අද්ධමාසෝ සේසෝ ගිම්භානන්ති කත්වා නිවාසේතබ්බං. ඕරේන චේ මාසෝ සේසෝ ගිම්භානන්ති චස්සිකසාට්ඨිචරං පරියේසෙය්‍ය, ඕරේනද්ධමාසෝ සේසෝ ගිම්භානන්ති කත්වා නිවාසෙය්‍ය නිස්සග්ගියං පාචිත්තියං.

25. යෝ පන භික්ඛු භික්ඛුස්ස සාමං ථීවරං දත්වා, කුපිතෝ අනත්තමනෝ අවිජ්ජන්දෙය්‍ය වා අවිජ්ජන්දාපෙය්‍ය වා නිස්සග්ගියං පාචිත්තියං.

26. යෝ පන භික්ඛු සාමං සුත්තං විඤ්ඤාපෙත්වා, තන්තවායේහි ථීවරං වායාපෙය්‍ය නිස්සග්ගියං පාචිත්තියං.

27. භික්ඛුං පනේව උද්දිස්ස අඤ්ඤාතකෝ ගහපති වා ගහපතානී වා තන්තවායේහි ථීවරං වායාපෙය්‍ය, තත්‍ර චේ සෝ භික්ඛු පුබ්බේ අප්පචාරිතෝ තන්තවායේ උපසඞ්ගිමිත්වා ථීවරේ විකප්පං ආපජ්ජෙය්‍ය; ඉදං ඛෝ ආවුසෝ ථීවරං මං උද්දිස්ස විය්‍යති, ආයතඤ්ච කරෝථි විත්ථතඤ්ච, අප්පිතඤ්ච, සුචිතඤ්ච, සුප්පවායිතඤ්ච, සුචිලේඛිතඤ්ච, සුචිතච්ඡිතඤ්ච කරෝථි, අප්පේවනාම

මයමිපි ආයස්මන්තානං කිඤ්චිමත්තං අනුපදප්පෙය්‍යාමාති.
ඒවඤ්ච සෝ භික්ඛු චත්වා කිඤ්චිමත්තං අනුපදප්පෙය්‍ය,
අන්තමසෝ පිණ්ඩපාතමත්තමිපි නිස්සග්ගියං පාවිත්තියං.

28. දසාහානාගතං කත්තිකතේමාසිකපුණ්ණාමං භික්ඛුනෝ
පනේව අවිචේකවීවරං උප්පජ්ජෙය්‍ය, අවිචේකං
මඤ්ඤමානේන භික්ඛුනා පටිග්ගහේතබ්බං, පටිග්ගහෙත්වා
යාව වීවරකාලසමයං නික්ඛිපිතබ්බං, තතෝ චේ උත්තරිං
නික්ඛිපෙය්‍ය නිස්සග්ගියං පාවිත්තියං.

29. උපවස්සං ඛෝ පන කත්තිකපුණ්ණාමං, යාති ඛෝ පන
තාති ආරඤ්ඤකාති සේනාසනාති සාසඛිකසම්මතාති,
සප්පට්ඨයාති, තථාරූපේසු භික්ඛු සේනාසනේසු විහරන්තෝ
ආකඛ්ඛමානෝ තිණ්ණාං වීවරානං අඤ්ඤතරං වීවරං
අන්තරඝරේ නික්ඛිපෙය්‍ය, සීයා ච තස්ස භික්ඛුනෝ
කෝචිද්දේව පච්චයෝ තේන වීවරේන විප්පවාසාය,
ඡාරත්තපරමං තේන භික්ඛුනා තේන වීවරේන
විප්පවසිතබ්බං. තතෝ චේ උත්තරිං විප්පවසෙය්‍ය,
අඤ්ඤත්‍ර භික්ඛුසම්මුතියා නිස්සග්ගියං පාවිත්තියං.

30. යෝ පන භික්ඛු ජානං සඛිඝ්ඝකං ලාභං පරිණාතං
අත්තනෝ පරිණාමෙය්‍ය නිස්සග්ගියං පාවිත්තියං.

පත්තවග්ගෝ තතියෝ.

උද්දිට්ඨා ඛෝ ආයස්මන්තෝ තිංස නිස්සග්ගියා පාවිත්තියා
ධම්මා.

තත්ථායස්මන්තේ පුච්ඡාමි, කච්චිත්ථ පරිසුද්ධා?

දුතියමිපි පුච්ඡාමි, කච්චිත්ථ පරිසුද්ධා ?

තතියමිපි පුච්ඡාමි, කච්චිත්ථ පරිසුද්ධා ?

පරිසුද්ධෙත්ථායස්මන්තෝ තස්මා තුණ්හි, ඒවමේතං
ධාරයාමි.

තිංස නිස්සංගියා පාවිත්තියා ධම්මා නිව්ඨතා.

ඉමේ ඛෝ පනායස්මන්තෝ ද්වේ නවුති පාවිත්තියා ධම්මා උද්දේසං ආගච්ඡන්ති.

1. සම්පජානමුසාවාදේ පාවිත්තියං.

2. ඕමසවාදේ පාවිත්තියං.

3. භික්ඛුපේසුඤ්ඤේ පාවිත්තියං.

4. යෝ පන භික්ඛු අනුපසම්පන්නං පදසෝ ධම්මං වාචෙය්‍ය පාවිත්තියං.

5. යෝ පන භික්ඛු අනුපසම්පන්නේන උත්තරිං දිරත්තතිරත්තං සහසෙය්‍යං කප්පෙය්‍ය පාවිත්තියං.

6. යෝ පන භික්ඛු මාතූගාමේන සහසෙය්‍යං කප්පෙය්‍ය පාවිත්තියං.

7. යෝ පන භික්ඛු මාතූගාමස්ස උත්තරිං ඡප්පඤ්චවාචාහි ධම්මං දේසෙය්‍ය, අඤ්ඤානු විඤ්ඤානා පුරිසවිග්ගහෙන පාවිත්තියං.

8. යෝ පන භික්ඛු අනුපසම්පන්නස්ස උත්තරිමනුස්සධම්මං ආරෝචෙය්‍ය භූතස්මිං පාවිත්තියං.

9. යෝ පන භික්ඛු භික්ඛුස්ස දුට්ඨුල්ලං ආපත්තිං අනුපසම්පන්නස්ස ආරෝචෙය්‍ය, අඤ්ඤානු භික්ඛුසම්මුතියා පාවිත්තියං.

10. යෝ පන හික්බු පඨවිං ඛණ්ණය්‍ය වා ඛණ්ණාපෙය්‍ය වා පාවිත්තියං.

මුසාවාදවග්ගෝ පඨමෝ.

11. භූතගාමපාතව්‍යතාය පාවිත්තියං.

12. අඤ්ඤවාදකේ විභේසකේ පාවිත්තියං.

13. උජ්ඣාපනකේ ඩ්වයනකේ පාවිත්තියං.

14. යෝ පන හික්බු සඞ්ඝිකං මඤ්චං වා පීඨං වා හිසිං වා කොච්ඡං වා අජ්ඣේධිකාසේ සන්ථරිත්වා වා සන්ථරාපෙත්වා වා, තං පක්කමන්තෝ නේව උද්ධරෙය්‍ය න උද්ධරාපෙය්‍ය, අනාපුච්ඡං වා ගච්ඡෙය්‍ය පාවිත්තියං.

15. යෝ පන හික්බු සඞ්ඝිකේ විහාරේ සෙය්‍යං සන්ථරිත්වා වා සන්ථරාපෙත්වා වා, තං පක්කමන්තෝ නේව උද්ධරෙය්‍ය න උද්ධරාපෙය්‍ය, අනාපුච්ඡං වා ගච්ඡෙය්‍ය පාවිත්තියං.

16. යෝ පන හික්බු සඞ්ඝිකේ විහාරේ ජානං පුබ්බපගතං හික්බුං අනුපබ්ඡේ සෙය්‍යං කප්පෙය්‍ය; යස්ස සම්බාධෝ භවිස්සති සෝ පක්කමස්සතිති, ඒතද්දේව පච්චයං කරිත්වා අනඤ්ඤං පාවිත්තියං.

17. යෝ පන හික්බු හික්බුං කුපිතෝ අනත්තමනෝ සඞ්ඝිකා විහාරා නික්කඨ්ඨෙය්‍ය වා නික්කඨ්ඨාපෙය්‍ය වා පාවිත්තියං.

18. යෝ පන හික්බු සඞ්ඝිකේ විහාරේ උපරිවේභාසකුටියා, ආහවිචපාදකං මඤ්චං වා පීඨං වා අභිනිසිදෙය්‍ය වා අභිනිපජ්ජෙය්‍ය වා, පාවිත්තියං.

19. මහල්ලකං පන භික්ඛුනා විහාරං කාරයමානේන, යාව ද්වාරකෝසා අග්ගලට්ඨපනාය ආලෝකසන්ධිපරිකම්මාය ද්වත්තිවිජදනස්ස පරියායං අප්පහරිතේ ධිතේන අධිට්ඨානබ්බං. තතෝ චේ උත්තරං අප්පහරිතේපි ධිතෝ අධිට්ඨානෙය්‍ය පාවිත්තියං.

20. යෝ පන භික්ඛු ජානං සප්පාණාකං උදකං, තිණං වා මත්තිකං වා සිඤ්ඤෙය්‍ය වා සිඤ්ඤවාපෙය්‍ය වා පාවිත්තියං.

භූතගාමවග්ගෝ දුතියෝ.

21. යෝ පන භික්ඛු අසම්මතෝ භික්ඛුනියෝ ඕවදෙය්‍ය පාවිත්තියං.

22. සම්මතෝපි චේ භික්ඛු අත්ථඞ්ගතේ සුරියේ භික්ඛුනියෝ ඕවදෙය්‍ය පාවිත්තියං.

23. යෝ පන භික්ඛු භික්ඛුනුපස්සයං උපසඞ්ගමිත්වා භික්ඛුනියෝ ඕවදෙය්‍ය, අඤ්ඤානු සමයා පාවිත්තියං. තත්ථායං සමයෝ; ගිලානා හෝති භික්ඛුනී අයං තත්ථ සමයෝ.

24. යෝ පන භික්ඛු ඒවං වදෙය්‍ය; ආමිසහේතු ථේරා භික්ඛු භික්ඛුනියෝ ඕවදන්තිති පාවිත්තියං.

25. යෝ පන භික්ඛු අඤ්ඤාතිකාය භික්ඛුනියා ඒවරං දදෙය්‍ය, අඤ්ඤානු පාරිවට්ටකා පාවිත්තියං.

26. යෝ පන භික්ඛු අඤ්ඤාතිකාය භික්ඛුනියා ඒවරං සිඬ්ඬෙය්‍ය වා සිඬ්ඬාපෙය්‍ය වා පාවිත්තියං.

27. යෝ පන භික්ඛු භික්ඛුනියා සද්ධිං සංවිධාය චීකද්ධානමග්ගං පටිපජ්ජෙය්‍ය, අන්තමසෝ ගාමන්තරමිපි, අඤ්ඤානු සමයා පාවිත්තියං. තත්ථායං සමයෝ; සත්ථගමනියෝ හෝති මග්ගෝ සාසඛිකසම්මතෝ සප්පට්ඨයෝ අයං තත්ථ සමයෝ.

28. යෝ පන භික්ඛු භික්ඛුනියා සද්ධිං සංවිධාය චීකං නාවං අභිරුහෙය්‍ය, උද්ධගාමිනිං වා අධෝගාමිනිං වා, අඤ්ඤානු නිරියං තරණාය පාවිත්තියං.

29. යෝ පන භික්ඛු ජානං භික්ඛුනීපරිපාචිතං පිණ්ඩපාතං භුඤ්ජෙය්‍ය, අඤ්ඤානු පුබ්බේ ගිහිසමාරම්භා පාවිත්තියං.

30. යෝ පන භික්ඛු භික්ඛුනියා සද්ධිං චීකෝ චීකාය රහෝ නිසජ්ජං කප්පෙය්‍ය පාවිත්තියං.

භික්ඛුනෝවාදුවග්ගෝ තතියෝ.

31. අගිලානේන භික්ඛුනා චීකෝ ආවසථපිණ්ඩෝ භුඤ්ජිතඛිබ්බෝ, තතෝ වේ උත්තරිං භුඤ්ජෙය්‍ය පාවිත්තියං.

32. ගණානෝජනේ අඤ්ඤානු සමයා පාවිත්තියං. තත්ථායං සමයෝ; ගිලානසමයෝ චීවරදානසමයෝ, චීවරකාරසමයෝ අද්ධානගමනසමයෝ නාවාභිරුහනසමයෝ මහාසමයෝ සමණාහත්තසමයෝ, අයං තත්ථ සමයෝ.

33. පරම්පරනෝජනේ අඤ්ඤානු සමයා පාවිත්තියං. තත්ථායං සමයෝ; ගිලානසමයෝ චීවරදානසමයෝ චීවරකාරසමයෝ, අයං තත්ථ සමයෝ.

34. හික්බුං පනේව කුලං උපගතං පුට්ඨි වා මන්ථේති වා අභිහට්ඨං පචාරෙය්‍ය, ආකඩ්ඛමානේන හික්බුනා ද්වත්තිපත්තපුරා පටිග්ගහේතබ්බා. තතෝ චේ උත්තරං පටිග්ගණ්හෙය්‍ය පාචිත්තියං. ද්වත්තිපත්තපුරේ පටිග්ගහෙත්වා තතෝ නිහරිත්වා හික්බුහි සද්ධිං සංවිහජිතබ්බං. අයං තත්ථ සාමීචි.

35. යෝ පන හික්බු භුත්තාථි පචාරිතෝ අනතිරිත්තං ඛාදනීයං වා භෝජනීයං වා ඛාදෙය්‍ය වා භුඤ්ජෙය්‍ය වා පාචිත්තියං.

36. යෝ පන හික්බු හික්බුං භුත්තාථිං පචාරිතං, අනතිරිත්තේන ඛාදනීයේන වා භෝජනීයේන වා අභිහට්ඨං පචාරෙය්‍ය; හන්ද හික්බු ඛාදවා භුඤ්ජවාහි, ජානං ආසාදනාපෙක්ඛෝ භුත්තස්මිං පාචිත්තියං.

37. යෝ පන හික්බු චිකාලේ ඛාදනීයං වා භෝජනීයං වා ඛාදෙය්‍ය වා භුඤ්ජෙය්‍ය වා පාචිත්තියං.

38. යෝ පන හික්බු සන්තිධිකාරකං ඛාදනීයං වා භෝජනීයං වා ඛාදෙය්‍ය වා භුඤ්ජෙය්‍ය වා පාචිත්තියං.

39. යාහි ඛෝ පන තාහි පණිතභෝජනාහි සෙය්‍යථිදං; සප්පි නවනිතං තේලං මධු වාණිතං මච්ඡෝ මංසං ධීරං දධි. යෝ පන හික්බු ඒවරුපාහි පණිතභෝජනාහි අගිලානෝ අත්තනෝ අත්ථාය විඤ්ඤාපෙත්වා භුඤ්ජෙය්‍ය පාචිත්තියං.

40. යෝ පන හික්බු අදින්නං මුඛද්වාරං ආහාරං ආහරෙය්‍ය, අඤ්ඤත්‍ර උදකදන්තපෝනා පාචිත්තියං.

භෝජනවග්ගෝ චතුත්ථෝ.

41. යෝ පන භික්ඛු අවේලකස්ස වා පරිබ්බාජකස්ස වා පරිබ්බාජිකාය වා සහත්ථා බාදනියං වා භෝජනියං වා දුදෙය්‍ය පාවිත්තියං.

42. යෝ පන භික්ඛු භික්ඛුං ඒභාවුසෝ ගාමං වා නිගමං වා පිණ්ඩාය පටිසිස්සාමාහි, තස්ස දාපෙත්වා වා අදාපෙත්වා වා උයෙය්‍යෝපෙය්‍ය; ගච්ඡාවුසෝ න මේ තයා සද්ධිං කථා වා නිසජ්ජා වා ඵාසු භෝති, ඒකකස්ස මේ කථා වා නිසජ්ජා වා ඵාසු භෝති, ඒතද්දෙව පටිචයං කරිත්වා අනඤ්ඤං පාවිත්තියං.

43. යෝ පන භික්ඛු සභෝජනේ කුලේ අනුපබ්ජිජ නිසජ්ජං කප්පෙය්‍ය පාවිත්තියං.

44. යෝ පන භික්ඛු මාතුගාමේන සද්ධිං රහෝ පටිච්ඡන්තෝ ආසනේ නිසජ්ජං කප්පෙය්‍ය පාවිත්තියං.

45. යෝ පන භික්ඛු මාතුගාමේන සද්ධිං ඒකෝ ඒකාය රහෝ නිසජ්ජං කප්පෙය්‍ය පාවිත්තියං.

46. යෝ පන භික්ඛු නිමන්තිතෝ සහත්තෝ සමානෝ සන්තං භික්ඛුං අනාපුච්ඡා පුරේහත්තං වා පච්ඡාහත්තං වා කුලේසු චාරිත්තං ආපජ්ජෙය්‍ය, අඤ්ඤත්‍ර සමයා, පාවිත්තියං. තත්ථායං සමයෝ; චීවරදානසමයෝ චීවරකාරසමයෝ, අයං තත්ථ සමයෝ.

47. අගිලානේන භික්ඛුනා චාතුමාසප්පට්චයපචාරණා සාදිතබ්බා. අඤ්ඤත්‍ර පුනපචාරණාය අඤ්ඤත්‍ර නිච්චපචාරණාය, තතෝ චේ උත්තරිං සාදිගෙය්‍ය පාවිත්තියං.

48. යෝ පන භික්ඛු උය්‍යුත්තං සේනං දස්සනාය ගච්ඡෙය්‍ය, අඤ්ඤානු තථාරූපප්පච්චයා පාචිත්තියං.

49. සීයා ච තස්ස භික්ඛුනෝ කෝච්ඤ්ච පච්චයෝ සේනං ගමනාය දිරත්තතිරත්තං තේන භික්ඛුනා සේනාය චසිතඛිබ්බං. තතෝ චේ උත්තරිං චසෙය්‍ය පාචිත්තියං.

50. දිරත්තතිරත්තඤ්චේ භික්ඛු සේනාය චසමානෝ උය්‍යෝධිකං වා ඛලග්ගං වා සේනාඛ්‍යුහං වා අනිකදස්සනං වා ගච්ඡෙය්‍ය පාචිත්තියං.

අචේලකචග්ගෝ පඤ්චමෝ.

51. සුරාමේරයපානෝ පාචිත්තියං.

52. අඛිගුලිපතෝදකෝ පාචිත්තියං.

53. උදකෝ හස්සධම්මේ පාචිත්තියං.

54. අනාදුරියෝ පාචිත්තියං.

55. යෝ පන භික්ඛු භික්ඛුං භිංසාපෙය්‍ය පාචිත්තියං.

56. යෝ පන භික්ඛු අගිලානෝ විසිඛිබ්බනාපෙක්ඛෝ, පෝතිං සමාදහෙය්‍ය වා සමාදහාපෙය්‍ය වා, අඤ්ඤානු තථාරූපප්පච්චයා පාචිත්තියං.

57. යෝ පන භික්ඛු ඕරේනද්ධමාසං නනායෙය්‍ය, අඤ්ඤානු සමයා පාචිත්තියං. තත්ථායං සමයෝ; දියඨිඨෝ මාසෝ සේසෝ ගිම්හානන්ති චස්සානස්ස පට්ඨමෝ මාසෝ ඉච්චේතේ අඨ්ඨිතෙය්‍යමාසා උණ්හසමයෝ, පරිලාහසමයෝ

ගිලානසමයේ කම්මසමයේ, අද්ධානගමනසමයේ
වාතවුට්ඨිසමයේ. අයං තත්ථ සමයේ.

58. නවං පන භික්ඛුනා චීවරලාභේන තිණ්ණං
දුඛිඛණ්ණකරණානං අඤ්ඤතරං දුඛිඛණ්ණකරණං
ආදාතබ්බං, නීලං වා කද්දමං වා කාළසාමං වා. අනාදා චේ
භික්ඛු තිණ්ණං දුඛිඛණ්ණකරණානං අඤ්ඤතරං
දුඛිඛණ්ණකරණං නවං චීවරං පරිභුඤ්ජෙය්‍ය පාවිත්තියං.

59. යේ පන භික්ඛු භික්ඛුස්ස වා භික්ඛුනියා වා
සික්ඛමානාය වා සාමණේරස්ස වා සාමණේරියා වා සාමං
චීවරං චිකප්පෙත්වා, අපච්චුද්ධාරකං පරිභුඤ්ජෙය්‍ය
පාවිත්තියං.

60. යේ පන භික්ඛු භික්ඛුස්ස පත්තං වා චීවරං වා
නිසීදනං වා සුවිසරං වා කායබන්ධනං වා අපනිඨෙය්‍ය වා
අපනිධාපෙය්‍ය වා අන්තමසෝ හස්සාපෙක්ඛෝපි,
පාවිත්තියං.

සුරාපානවග්ගෝ ඡට්ඨෝ.

61. යේ පන භික්ඛු සඤ්චිච්ච පාණං ජීවිතා චෝරෝපෙය්‍ය
පාවිත්තියං.

62. යේ පන භික්ඛු ජානං සප්පාණකං උදකං
පරිභුඤ්ජෙය්‍ය පාවිත්තියං.

63. යේ පන භික්ඛු ජානං යථාධම්මං නිහතාධිකරණං
පුනකම්මාය උක්කෝටෙය්‍ය පාවිත්තියං.

64. යේ පන භික්ඛු භික්ඛුස්ස ජානං දුට්ඨුල්ලං ආපත්තිං
පටිච්ඡාදෙය්‍ය පාවිත්තියං.

65. යෝ පන භික්ඛු ජානං උග්ගවිසතිවස්සං පුග්ගලං උපසම්පාදෙය්‍ය, සෝ ච පුග්ගලෝ අනුපසම්පන්නෝ තේ ච භික්ඛු ගාරය්‍හා, ඉදං තස්මිං පාචිත්තියං.

66. යෝ පන භික්ඛු ජානං ටෙය්‍යසත්ථේන සද්ධිං සංවිධාය ඵ්ඤ්ඤානමග්ගං පටිපජ්ජෙය්‍ය, අන්තමසෝ ගාමන්තරම්පි පාචිත්තියං.

67. යෝ පන භික්ඛු මාතුගාමේන සද්ධිං සංවිධාය ඵ්ඤ්ඤානමග්ගං පටිපජ්ජෙය්‍ය, අන්තමසෝ ගාමන්තරම්පි පාචිත්තියං.

68. යෝ පන භික්ඛු ඒවං වදෙය්‍ය; තථාහං භගවතා ධම්මං දේසිතං ආජානාමි, යථා යේමේ අන්තරායිකා ධම්මා චුත්තා භගවතා තේ පටිසේවතෝ නාලං අන්තරායායාති. සෝ භික්ඛු භික්ඛුහි ඒවමස්ස වචනියෝ; මා ආයස්මා ඒවං අවච, මා භගවන්තං අඛිභාවික්ඛි, න හි සාධු භගවතෝ අඛිභක්ඛානං, න හි භගවා ඒවං වදෙය්‍ය, අනේකපරියායේන ආවුසෝ අන්තරායිකා ධම්මා අන්තරායිකා චුත්තා භගවතා, අලඤ්ච පන තේ පටිසේවතෝ අන්තරායායාති. ඒවඤ්ච පන සෝ භික්ඛු භික්ඛුහි චුච්චමානෝ, තථේව පග්ගණ්භෙය්‍ය, සෝ භික්ඛු භික්ඛුහි යාවතතියං සමනුභාසිතඛිබ්බෝ තස්ස පටිනිස්සග්ගාය, යාවතතියඤ්චේ සමනුභාසියමානෝ තං පටිනිස්සජ්ජෙය්‍ය, ඉච්චේතං කුසලං. නෝ චේ පටිනිස්සජ්ජෙය්‍ය පාචිත්තියං.

69. යෝ පන භික්ඛු ජානං තථාචාදිනා භික්ඛුනා අකතානුධම්මේන තං දිට්ඨිං අප්පටිනිස්සට්ඨේන සද්ධිං සම්භුඤ්ජෙය්‍ය වා සංවසෙය්‍ය වා සහ වා සෙය්‍යං කප්පෙය්‍ය පාචිත්තියං.

70. සමනුද්දේසෝපි චේ ඒවං වදෙය්‍ය; තථාහං භගවතා ධම්මං දේසිතං ආජානාමි, යථා යේමේ අන්තරායිකා ධම්මා චුත්තා භගවතා තේ පටිසේවතෝ නාලං අන්තරායායාති. සෝ සමනුද්දේසෝ භික්ඛුහි ඒවමස්ස වචනියෝ; මා ආචුසෝ සමනුද්දේස ඒවං අවච, මා භගවන්තං අබ්භාචික්ඛි, න හි සාධු භගවතෝ අබ්භක්ඛානං, න හි භගවා ඒවං වදෙය්‍ය, අනේකපරියායේන ආචුසෝ සමනුද්දේස, අන්තරායිකා ධම්මා අන්තරායිකා චුත්තා භගවතා, අලුඤ්ච පන තේ පටිසේවතෝ අන්තරායායාති. ඒවඤ්ච පන සෝ සමනුද්දේසෝ භික්ඛුහි චුච්චමානෝ තථේව පග්ගණ්හෙය්‍ය, සෝ සමනුද්දේසෝ භික්ඛුහි ඒවමස්ස වචනියෝ; අජීජතග්ගේ තේ ආචුසෝ සමනුද්දේස, න චේව සෝ භගවා සත්ථා අපදිසිතබ්බෝ. යමිපි චඤ්ඤේ සමනුද්දේසා ලුහන්ති භික්ඛුහි සද්ධිං දිරත්තතිරත්තං සහසෙය්‍යං, සාපි තේ නත්ථි චර පරේ, විනස්සාති. යෝ පන භික්ඛු ජානං තථා නාසිතං සමනුද්දේසං උපලාපෙය්‍ය වා උපට්ඨාපෙය්‍ය වා සමිභුඤ්ඤෙය්‍ය වා සහ වා සෙය්‍යං කප්පෙය්‍ය පාචිත්තියං.

සප්පාණකවග්ගෝ සත්තමෝ.

71. යෝ පන භික්ඛු භික්ඛුහි සහධම්මිකං චුච්චමානෝ ඒවං වදෙය්‍ය; න තාවාහං ආචුසෝ ඒතස්මිං සික්ඛාපදේ සික්ඛිස්සාමි, යාව න අඤ්ඤං භික්ඛුං ව්‍යත්තං විනයධරං පරිපුච්ඡාමිති පාචිත්තියං. සික්ඛමානේන භික්ඛුවේ භික්ඛුනා අඤ්ඤාතබ්බං පරිපුච්ඡතබ්බං පරිපඤ්ඡිතබ්බං. අයං තත්ථ සාමිචි.

72. යෝ පන භික්ඛු පාතිමොක්ඛේ උද්දිස්සමානෝ ඒවං වදෙය්‍ය; කිං පනිමේහි බුද්දානුබුද්දකේහි සික්ඛාපදේහි උද්දිට්ඨේහි, යාවදේව කුක්කුච්චාය විහේසාය විලේඛාය සංවත්තන්තිති, සික්ඛාපදවිචණ්ණානකේ පාචිත්තියං.

73. යෝ පන භික්ඛු අන්වද්ධමාසං පාතිමොක්ඛේ උද්දිස්සමානෝ ඒවං වදෙය්‍ය; ඉදානේව ඛෝ අහං ආජානාමි, අයමිපි කිර ධම්මෝ සුත්තාගතෝ සුත්තපරියාපන්නෝ අන්වද්ධමාසං උද්දේසං ආගච්ඡති, තඤ්චේ භික්ඛුං අඤ්ඤේ භික්ඛු ජානෙය්‍යං, නිසින්නපුබ්බං ඉමිනා භික්ඛුනා ද්වත්තික්ඛත්තං පාතිමොක්ඛේ උද්දිස්සමානෝ, කෝ පන වාදෝ භීයෙය්‍යිති. න ච තස්ස භික්ඛුනෝ අඤ්ඤාණාකේන මුත්ති අත්ථී. යඤ්ච තත්ථ ආපත්තිං ආපන්නෝ, තඤ්ච යථාධම්මෝ කාරේතඞ්ඛෝ, උත්තරිං චස්ස මෝහෝ ආරෝපේතඞ්ඛෝ; තස්ස තේ ආවුසෝ අලාභා, තස්ස තේ දුල්ලද්ධං, යං ත්වං පාතිමොක්ඛේ උද්දිස්සමානෝ, න සාධුකං අට්ඨිකත්වා මනසිකරෝසීති, ඉදං තස්මිං මෝහනකේ පාවිත්තියං.

74. යෝ පන භික්ඛු භික්ඛුස්ස කුපිතෝ අනත්තමනෝ පහාරං දදෙය්‍ය පාවිත්තියං.

75. යෝ පන භික්ඛු භික්ඛුස්ස කුපිතෝ අනත්තමනෝ තලසත්තිකං උග්ගිරෙය්‍ය පාවිත්තියං.

76. යෝ පන භික්ඛු භික්ඛුං අමුලකේන සඞ්ඝාදිසේසේන අනුද්ධංසෙය්‍ය පාවිත්තියං.

77. යෝ පන භික්ඛු භික්ඛුස්ස සඤ්චිච්ච කුක්කුච්චං උපදහෙය්‍ය; ඉතිස්ස මුහුත්තමිපි අවාසු හවිස්සතිති, ඒතද්දේව පච්චයං කරිත්වා අනඤ්ඤං පාවිත්තියං.

78. යෝ පන භික්ඛු භික්ඛුහං හණ්ඩනජාතානං කලහජාතානං විවාදාපන්නානං උපස්සුතිං තිට්ඨෙය්‍ය; යං ඉමේ හණ්ඩස්සන්ති තං සොස්සාමිති, ඒතද්දේව පච්චයං කරිත්වා අනඤ්ඤං පාවිත්තියං.

79. යෝ පන භික්ඛු ධම්මිකානං කම්මානං ඡන්දං දත්වා පච්ඡා ඩ්වයනධම්මං ආපජ්ජෙය්‍ය පාචිත්තියං.

80. යෝ පන භික්ඛු සඬ්ඤේ විහිවිජයකථාය චත්තමානාය ඡන්දං අදත්වා උට්ඨායාසනා පක්කමෙය්‍ය පාචිත්තියං.

81. යෝ පන භික්ඛු සමග්ගේන සඬ්ඤේන චීවරං දත්වා, පච්ඡා ඩ්වයනධම්මං ආපජ්ජෙය්‍ය; යථාසන්ථුතං භික්ඛු සඬ්ඝිකං ලාභං පරිණාමෙන්නීති පාචිත්තියං.

82. යෝ පන භික්ඛු ජානං සඬ්ඝිකං ලාභං පරිණාතං පුග්ගලස්ස පරිණාමෙය්‍ය පාචිත්තියං.

සහධම්මිකවග්ගෝ අට්ඨමෝ.

83. යෝ පන භික්ඛු රඤ්ඤෝ ඛත්තියස්ස මුද්ධාවසිත්තස්ස අනික්ඛන්තරාජකේ අනිහතරතනකේ පුබ්බේ අප්පට්ඨසංවිදිතෝ ඉන්ද්‍රබ්ලං අතික්කාමෙය්‍ය පාචිත්තියං.

84. යෝ පන භික්ඛු රතනං වා රතනසම්මතං වා අඤ්ඤත්‍ර අජ්ඣාරාමා වා අජ්ඣාවසථා වා උග්ගණ්හෙය්‍ය වා උග්ගණ්හාපෙය්‍ය වා පාචිත්තියං. රතනං වා පන භික්ඛුනා රතනසම්මතං වා අජ්ඣාරාමේ වා අජ්ඣාවසථේ වා උග්ගහෙත්වා වා උග්ගහාපෙත්වා වා නික්ඛිපිතබ්බං, යස්ස භවිස්සති සෝ හරිස්සති. අයං තත්ථ සාමීචි.

85. යෝ පන භික්ඛු සන්තං භික්ඛුං අනාපුච්ඡා, චිකාලේ ගාමං පට්ඨෙය්‍ය, අඤ්ඤත්‍ර තථාරූපා අච්චායිකා කරණීයා පාචිත්තියං.

86. යෝ පන භික්ඛු අට්ඨිමයං වා දන්තමයං වා විසාණමයං වා සුචිඤ්ඤං කාරාපෙය්‍ය භේදනකං පාචිත්තියං.

87. නවං පන භික්ඛූනා මඤ්චං වා පීඨං වා කාරයමානේන අට්ඨඛිගුලපාදකං කාරේතඛිබං සුගතඛිගුලේන, අඤ්ඤත්ත හෙට්ඨිමාය අට්ඨියා. තං අතික්කාමයතෝ ජේදනකං පාවිත්තියං.

88. යෝ පන භික්ඛූ මඤ්චං වා පීඨං වා තූලෝනද්ධං කාරාපෙය්‍ය උද්දාලනකං පාවිත්තියං.

89. නිසීදනං පන භික්ඛූනා කාරයමානේන පමාණිකං කාරේතඛිබං, තත්ත්වං පමාණං; දීඝසෝ ද්වේ විදත්ථියෝ සුගතවිදත්ථියා, තිරියං දියඨිඨං, දසා විදත්ථී. තං අතික්කාමයතෝ ජේදනකං පාවිත්තියං.

90. කණ්ඩුපට්ඨිජාදිං පන භික්ඛූනා කාරයමානේන, පමාණිකා කාරේතඛිබා, තත්ත්වං පමාණං; දීඝසෝ චතස්සෝ විදත්ථියෝ සුගතවිදත්ථියා, තිරියං ද්වේ විදත්ථියෝ. තං අතික්කාමයතෝ ජේදනකං පාවිත්තියං.

91. වස්සිකසාට්ඨිකං පන භික්ඛූනා කාරයමානේන, පමාණිකා කාරේතඛිබා, තත්ත්වං පමාණං; දීඝසෝ ඡ විදත්ථියෝ සුගතවිදත්ථියා, තිරියං අඨිඨිතෙය්‍යා. තං අතික්කාමයතෝ ජේදනකං පාවිත්තියං.

92. යෝ පන භික්ඛූ සුගතච්චරප්පමාණං ච්චරං කාරාපෙය්‍ය, අතිරේකං වා ජේදනකං පාවිත්තියං. තත්ත්වං සුගතස්ස සුගතච්චරප්පමාණං; දීඝසෝ නව විදත්ථියෝ සුගතවිදත්ථියා, තිරියං ඡ විදත්ථියෝ. ඉදං සුගතස්ස සුගතච්චරප්පමාණං.

රතන වග්ගෝ නවමෝ.

උද්දිට්ඨා ඛෝ ආයස්මන්තෝ ද්වේ නවුති පාවිත්තියා ධම්මා.

තත්ථායස්මන්තේ පුච්ඡාමි, කච්චිත්ථ පරිසුද්ධා ?
 දුතියමිපි පුච්ඡාමි, කච්චිත්ථ පරිසුද්ධා ?
 තතියමිපි පුච්ඡාමි, කච්චිත්ථ පරිසුද්ධා ?
 පරිසුද්ධෙත්ථායස්මන්තෝ තස්මා තුණ්හි, ඒවමේතං
 ධාරයාමි.

ද්වේ හවුති පාචිත්තියා ධම්මා නිට්ඨිතා.

ඉමේ ඛෝ පනායස්මන්තෝ, චත්තාරෝ පාටිදේසනියා ධම්මා
 උද්දේසං ආගච්ඡන්ති.

1. යෝ පන භික්ඛු අඤ්ඤාතිකාය භික්ඛුනියා අන්තරංගරං
 පටිට්ඨාය හත්ථතෝ ඛාදනියං වා භෝජනියං වා සහත්ථා
 පටිග්ගහෙත්වා, ඛාදෙය්‍ය වා භුඤ්ජෙය්‍ය වා
 පටිදේසේතඛිධං තේහ භික්ඛුනා; ගාරය්හං ආවුසෝ ධම්මං
 ආපජ්ජිං, අසප්පායං පාටිදේසනියං තං පටිදේසේමිති.

2. භික්ඛු පනෙව කුලේසු නිමන්තිතා භුඤ්ජන්ති, තත්‍ර චේ
 සා භික්ඛුනි චෝසාසමානරූපා ධීතා භෝති; ඉධ සුපං දේථ
 ඉධ ඕදනං දේථාති. තේහි භික්ඛුහි සා භික්ඛුනි
 අපසාදේතඛිධා; අපසක්ක තාව හගිති, යාව භික්ඛු
 භුඤ්ජන්ති. ඒකස්සපි චේ භික්ඛුනෝ නප්පට්ඨාසෙය්‍ය තං
 භික්ඛුනිං අපසාදේතුං; අපසක්ක තාව හගිති, යාව භික්ඛු
 භුඤ්ජන්ති, පටිදේසේතඛිධං තේහි භික්ඛුහි; ගාරය්හං
 ආවුසෝ ධම්මං ආපජ්ජිමිහා, අසප්පායං පාටිදේසනියං තං
 පටිදේසේමාති.

3. යානි ඛෝ පන තානි සෙක්ඛසම්මතානි කුලානි, යෝ පන
 භික්ඛු තථාරූපේසු සෙක්ඛසම්මතේසු කුලේසු පුඛ්ඛේ
 අනිමන්තිතෝ, අගිලානෝ, ඛාදනියං වා භෝජනියං වා
 සහත්ථා පටිග්ගහෙත්වා, ඛාදෙය්‍ය වා භුඤ්ජෙය්‍ය වා,

පටිදේසේතඛිබ්බං තේන භික්ඛුනා; ගාරය්හං ආවුසෝ ධම්මං ආපජ්ජිං, අසප්පායං පාටිදේසනීයං තං පටිදේසේමිති.

4. යානි ඛෝ පන තානි ආරඤ්ඤකානි සේනාසනානි සාසඛිකසම්මතානි සප්පට්ඨයානි, යෝ පන භික්ඛු තථාරූපේසු සේනාසනේසු විහරන්තෝ, පුබ්බේ අප්පට්ඨසංවිදිතං බාදනීයං වා භෝජනීයං වා අජ්ඣාදාමි සහත්ථා පටිග්ගහෙත්වා, අභිලානෝ බාදෙය්හ වා භුඤ්ජෙය්හ වා, පටිදේසේතඛිබ්බං තේන භික්ඛුනා; ගාරය්හං ආවුසෝ ධම්මං ආපජ්ජිං, අසප්පායං පාටිදේසනීයං තං පටිදේසේමිති.

උද්දිට්ඨා ඛෝ ආයස්මන්තෝ, චත්තාරෝ පාටිදේසනීයා ධම්මා.

තත්ථායස්මන්තේ පුච්ඡාමි, කච්චිත්ථ පරිසුද්ධා ?

දුතියමිපි පුච්ඡාමි, කච්චිත්ථ පරිසුද්ධා ?

තතියමිපි පුච්ඡාමි, කච්චිත්ථ පරිසුද්ධා ?

පරිසුද්ධෙත්ථායස්මන්තෝ තස්මා තුණ්හි, ඒවමේතං ධාරයාමි.

චත්තාරෝ පාටිදේසනීයා ධම්මා නිට්ඨිතා.

ඉමේ ඛෝ පනායස්මන්තෝ සේඛියා ධම්මා උද්දේසං ආගච්ඡන්ති.

1. පරිමණ්ඩලං නිවාසෙස්සාමිති සික්ඛා කරණීයා.

2. පරිමණ්ඩලං පාරුපිස්සාමිති සික්ඛා කරණීයා.

3. සුපට්ඨිඡන්තෝ අන්තරඝරේ ගමිස්සාමිති සික්ඛා කරණීයා.

4. සුපරිවිෂ්ණෝ අන්තර්ගතේ නිසිදිස්සාමිති සික්ඛා කරණියා.

5. සුසංවුතෝ අන්තර්ගතේ ගමිස්සාමිති සික්ඛා කරණියා.

6. සුසංවුතෝ අන්තර්ගතේ නිසිදිස්සාමිති සික්ඛා කරණියා.

7. ඔක්ඛිත්තචක්ඛු අන්තර්ගතේ ගමිස්සාමිති සික්ඛා කරණියා.

8. ඔක්ඛිත්තචක්ඛු අන්තර්ගතේ නිසිදිස්සාමිති සික්ඛා කරණියා.

9. න උක්ඛිත්තකාය අන්තර්ගතේ ගමිස්සාමිති සික්ඛා කරණියා.

10. න උක්ඛිත්තකාය අන්තර්ගතේ නිසිදිස්සාමිති සික්ඛා කරණියා.

පරිමණ්ඩලවග්ගෝ පඨමෝ.

11. න උජ්ජග්ගිකාය අන්තර්ගතේ ගමිස්සාමිති සික්ඛා කරණියා.

12. න උජ්ජග්ගිකාය අන්තර්ගතේ නිසිදිස්සාමිති සික්ඛා කරණියා.

13. අප්පසද්දෝ අන්තර්ගතේ ගමිස්සාමිති සික්ඛා කරණියා.

14. අප්පසද්දෝ අන්තර්ගතේ නිසිදිස්සාමිති සික්ඛා කරණියා.

15. න කායප්පවාලකං අන්තරංගේ ගමිස්සාමිති සික්ඛා කරණියා.

16. න කායප්පවාලකං අන්තරංගේ නිසිද්දිස්සාමිති සික්ඛා කරණියා.

17. න ඛානුප්පවාලකං අන්තරංගේ ගමිස්සාමිති සික්ඛා කරණියා.

18. න ඛානුප්පවාලකං අන්තරංගේ නිසිද්දිස්සාමිති සික්ඛා කරණියා.

19. න සීසප්පවාලකං අන්තරංගේ ගමිස්සාමිති සික්ඛා කරණියා.

20. න සීසප්පවාලකං අන්තරංගේ නිසිද්දිස්සාමිති සික්ඛා කරණියා.

උප්පග්ගිකවග්ගේ දුතියෝ.

21. න ඛමිහකතෝ අන්තරංගේ ගමිස්සාමිති සික්ඛා කරණියා.

22. න ඛමිහකතෝ අන්තරංගේ නිසිද්දිස්සාමිති සික්ඛා කරණියා.

23. න ඕගුණ්ඨිතෝ අන්තරංගේ ගමිස්සාමිති සික්ඛා කරණියා.

24. න ඕගුණ්ඨිතෝ අන්තරංගේ නිසිද්දිස්සාමිති සික්ඛා කරණියා.

25. න උක්කුටිකාය අන්තර්ගතය ගම්ප්සාමිති සික්ඛා කරණියා.

26. න පල්ලන්ටිකාය අන්තර්ගතය නිසිදිස්සාමිති සික්ඛා කරණියා.

27. සක්කච්චං පිණ්ඩපාතං පටිග්ගහෙස්සාමිති සික්ඛා කරණියා.

28. පත්තසඤ්ඤි පිණ්ඩපාතං පටිග්ගහෙස්සාමිති සික්ඛා කරණියා.

29. සමසුපකං පිණ්ඩපාතං පටිග්ගහෙස්සාමිති සික්ඛා කරණියා.

30. සමතිත්තිකං පිණ්ඩපාතං පටිග්ගහෙස්සාමිති සික්ඛා කරණියා.

බමිහකතවග්ගෝ තතියෝ.

31. සක්කච්චං පිණ්ඩපාතං භුඤ්ජිස්සාමිති සික්ඛා කරණියා.

32. පත්තසඤ්ඤි පිණ්ඩපාතං භුඤ්ජිස්සාමිති සික්ඛා කරණියා.

33. සපදානං පිණ්ඩපාතං භුඤ්ජිස්සාමිති සික්ඛා කරණියා.

34. සමසුපකං පිණ්ඩපාතං භුඤ්ජිස්සාමිති සික්ඛා කරණියා.

35. න ථූපතෝ ඕමද්දිත්වා පිණ්ඩපාතං භුඤ්ජිස්සාමිති සික්ඛා කරණියා.

36. න සුපං වා ඛ්‍යාතඥානං වා ඕද්දන්ත පටිච්ඡාදෙස්සාමි,
භියෙත්තමයතං උපාදායාති සික්ඛා කරණියා.

37. න සුපං වා ඕද්දන්තං වා අභිලාභෝ අත්තභෝ අත්ථාය
විඤ්ඤාපෙත්වා භුඤ්ඤාපිස්සාමිති සික්ඛා කරණියා.

38. න උජ්ඣානසඤ්ඤා පරේසං පත්තං ඕලෝකෙස්සාමිති
සික්ඛා කරණියා.

39. නාතිමහන්තං කබලං කරිස්සාමිති සික්ඛා කරණියා.

40. පරිමණ්ඩලං ආලෝපං කරිස්සාමිති සික්ඛා කරණියා.

සක්කච්චවග්ගෝ චතුත්ථෝ.

41. න අනාහටේ කබලේ මුඛද්වාරං විවරිස්සාමිති සික්ඛා
කරණියා.

42. න භුඤ්ඤාමාභෝ සබ්බං හත්ථං මුඛේ පක්ඛිපිස්සාමිති
සික්ඛා කරණියා.

43. න සකබලේන මුඛේන ඛ්‍යාතරිස්සාමිති සික්ඛා කරණියා.

44. න පිණ්ඩුක්ඛේපකං භුඤ්ඤාපිස්සාමිති සික්ඛා කරණියා.

45. න කබලාවච්ඡේදකං භුඤ්ඤාපිස්සාමිති සික්ඛා කරණියා.

46. න අවගණ්ඩකාරකං භුඤ්ඤාපිස්සාමිති සික්ඛා කරණියා.

47. න හත්ථනිද්ධුනකං භුඤ්ඤාපිස්සාමිති සික්ඛා කරණියා.

48. න සිත්ථාවකාරකං භුඤ්ඤාපිස්සාමිති සික්ඛා කරණියා.

49. න පිවිහානිවිජාරකං භුඤ්ජිස්සාමිති සික්ඛා කරණියා.

50. න චපුචපුකාරකං භුඤ්ජිස්සාමිති සික්ඛා කරණියා.

කබළචග්ගෝ පඤ්චමෝ.

51. න සුරුසුරුකාරකං භුඤ්ජිස්සාමිති සික්ඛා කරණියා.

52. න හත්ථනිල්ලේහකං භුඤ්ජිස්සාමිති සික්ඛා කරණියා.

53. න පත්තනිල්ලේහකං භුඤ්ජිස්සාමිති සික්ඛා කරණියා.

54. න ඔට්ඨනිල්ලේහකං භුඤ්ජිස්සාමිති සික්ඛා කරණියා.

55. න සාමිසේන හත්ථේන පානියථාලකං පටිග්ගහෙස්සාමිති සික්ඛා කරණියා.

56. න සසිත්ථකං පත්තධෝවනං අන්තරඝරේ ඡඩ්ඨෙස්සාමිති සික්ඛා කරණියා.

57. න ඡත්තපාණිස්ස අභිලානස්ස ධම්මං දේසිස්සාමිති සික්ඛා කරණියා.

58. න දුණ්ඨපාණිස්ස අභිලානස්ස ධම්මං දේසිස්සාමිති සික්ඛා කරණියා.

59. න සත්ථපාණිස්ස අභිලානස්ස ධම්මං දේසිස්සාමිති සික්ඛා කරණියා.

60. න ආයුධපාණිස්ස අභිලානස්ස ධම්මං දේසිස්සාමිති සික්ඛා කරණියා.

සුරුසුරුවග්ගෝ ඡට්ඨෝ.

61. න පාදකාරූප්‍රභස්ස අග්‍රිලානස්ස ධම්මං දේසිස්සාමිති සික්ඛා කරණියා.

62. න උපාහනාරූප්‍රභස්ස අග්‍රිලානස්ස ධම්මං දේසිස්සාමිති සික්ඛා කරණියා.

63. න යානගතස්ස අග්‍රිලානස්ස ධම්මං දේසිස්සාමිති සික්ඛා කරණියා.

64. න සයනගතස්ස අග්‍රිලානස්ස ධම්මං දේසිස්සාමිති සික්ඛා කරණියා.

65. න පල්ලත්ථිකාය නිසින්නස්ස අග්‍රිලානස්ස ධම්මං දේසිස්සාමිති සික්ඛා කරණියා.

66. න වේධිතසිසස්ස අග්‍රිලානස්ස ධම්මං දේසිස්සාමිති සික්ඛා කරණියා.

67. න ඕගුණ්ඨිතසිසස්ස අග්‍රිලානස්ස ධම්මං දේසිස්සාමිති සික්ඛා කරණියා.

68. න ඡමාය නිසිදිත්වා ආසනේ නිසින්නස්ස අග්‍රිලානස්ස ධම්මං දේසිස්සාමිති සික්ඛා කරණියා.

69. න නිවේ ආසනේ නිසිදිත්වා උච්චේ ආසනේ නිසින්නස්ස අග්‍රිලානස්ස ධම්මං දේසිස්සාමිති සික්ඛා කරණියා.

70. න ධිතෝ නිසින්නස්ස අග්‍රිලානස්ස ධම්මං දේසිස්සාමිති සික්ඛා කරණියා.

71. න පච්ඡතෝ ගච්ඡන්තෝ, පුරතෝ ගච්ඡන්තස්ස අග්‍රිලානස්ස ධම්මං දේසිස්සාමිති සික්ඛා කරණියා.

72. න උප්පට්ඨෙහ ගව්‍යන්තෝ, පට්ඨෙහ ගව්‍යන්තස්ස අභිලානස්ස ධම්මං දේසිස්සාමිති සික්ඛා කරණියා.

73. න ධීතෝ අභිලානෝ උච්චාරං වා පස්සාවං වා කර්ස්සාමිති සික්ඛා කරණියා.

74. න හරිතෝ අභිලානෝ උච්චාරං වා පස්සාවං වා ඛේලං වා කර්ස්සාමිති සික්ඛා කරණියා.

75. න උදුකෝ අභිලානෝ උච්චාරං වා පස්සාවං වා ඛේලං වා කර්ස්සාමිති සික්ඛා කරණියා.

පාදුකවග්ගෝ සත්තමෝ.

උද්දිට්ඨා ඛෝ ආයස්මන්තෝ, සේඛියා ධම්මා.
තත්ථායස්මන්තේ පුච්ඡාමි, කච්චිත්ථ පරිසුද්ධා?
දුතියමිපි පුච්ඡාමි, කච්චිත්ථ පරිසුද්ධා ?
තතියමිපි පුච්ඡාමි, කච්චිත්ථ පරිසුද්ධා ?
පරිසුද්ධෙත්ථායස්මන්තෝ තස්මා තුණ්හි, ඒවමේතං
ධාරයාමි.

සේඛියා ධම්මා නිට්ඨිතා.

ඉමේ ඛෝ පනායස්මන්තෝ සත්ත අධිකරණසමථා ධම්මා
උද්දේසං ආගව්‍යන්ති.

උප්පන්නුප්පන්නානං අධිකරණානං සමථාය වූපසමාය;
සම්මුඛාවිනයෝ දාතඛිඛෝ, සතිචිනයෝ දාතඛිඛෝ,
අමුල්ලිතවිනයෝ දාතඛිඛෝ, පටිඤ්ඤාය කාරේතඛිඛං,
යේභුය්‍යසිකා, තස්සපාපිය්‍යසිකා, තිණුවත්ථාරකෝති.

උද්දිට්ඨා ඛෝ ආයස්මන්තෝ, සත්ත අධිකරණසමථා ධම්මා.

තත්ථායස්මන්තෝ පුච්ඡාමි, කච්චිත්ථ පරිසුද්ධා ?
දුතියමිපි පුච්ඡාමි, කච්චිත්ථ පරිසුද්ධා ?
තතියමිපි පුච්ඡාමි, කච්චිත්ථ පරිසුද්ධා ?
පරිසුද්ධොත්ථායස්මන්තෝ තස්මා තුණ්හි, ඒවමේතං
ධාරයාමි.

සත්ත අධිකරණසමථා ධම්මා නිට්ඨිතා.

උද්දිට්ඨං ඛෝ ආයස්මන්තෝ නිදානං, උද්දිට්ඨා චත්තාරෝ
පාරාජිකා ධම්මා, උද්දිට්ඨා තේරස සඞ්ඝාදිසේසා ධම්මා,
උද්දිට්ඨා ද්වේ අනියතා ධම්මා, උද්දිට්ඨා තිංසනිස්සග්ගියා
පාචිත්තියා ධම්මා, උද්දිට්ඨා ද්වේ නවුති පාචිත්තියා ධම්මා,
උද්දිට්ඨා චත්තාරෝ පාටිදේසනියා ධම්මා, උද්දිට්ඨා
සේඛියා ධම්මා, උද්දිට්ඨා සත්ත අධිකරණසමථා ධම්මා.

චිත්තකං තස්ස භගවතෝ සුත්තාගතං සුත්තපරියාපන්නං
අන්වද්ධමාසං උද්දේසං ආගච්ඡති, තත්ථ සඞ්ඛේහේව
සමග්ගේහි සම්මෝදමානේහි අවිච්චමානේහි සික්ඛිතඞ්ඛන්ති.

චිත්ථාරුද්දේසෝ පඤ්චමෝ.

හික්ඛුපාතිමොක්ඛං නිට්ඨිතං.

සාධු ! සාධු !! සාධු !!!

